

НА «ГОСПОДИ, ВОЗЗВАХ»:

Стихиры воскресные, гласа – 4.

Стихиры Крестá, глас 1

подобен: «Небесных чинов радование...»:

5. Стих: Аще беззакония на́зриши, Гóсподи, Гóсподи, кто посто́йт?// Яко у Тебé очищение ёсть.

Всякое естество́ челове́ческое, ны́не предпра́здная,/ ра́достно да игра́ет:/ Крестное бо Дре́во хо́щет предположи́ться,/ все́м ве́рным врачевство́ неизжива́емое,/ и неду́гов реши́тельно, и страсте́й,// и вся́каго озлобле́ния.

6. Стих: Имене ра́ди Твоего́ потерпéх Тя, Гóсподи, потерпé душа́ моя́ в сло́во Твое́,// упова́ душа́ моя́ на Гóспода.

Приидите, ви́дим, ве́рнии, страна́ное чу́до,/ ка́ко Крестное Дре́во/ уставля́ет опале́ние вся́каго недуга/ и страсте́й зной угаша́ет/ предпра́зднующих ве́рою// и того́ почита́ющих торже́ство.

7. Стих: От стра́жи у́тренния до но́щи, от стра́жи у́тренния,// да упова́ет Изра́иль на Гóспода.

Живу́щий вку́пе и умёршии, предпра́зднуйте:/ жи́зни бо дре́во, е́же а́да умори́вшее,/ храни́тель челове́ков,/ ме́ртвых воскресéние грядёт,/ всем независтную благода́ть ны́не пода́ти,// челове́ком исцеле́ния.

Стихиры прав. Евдокима, глас VIII

Подобен: «О, пресла́внаго чудесе́...»:

8. Стих: Яко у Гóспода ми́лость, и мно́гое у Него́ избавле́ние,// и Той изба́вит Изра́иля от всех беззакóний его́.

Блаже́нне Богому́дре Евдоки́ме,/ чи́стая тво́я душа́,/ правове́рным смы́слом сия́ющи,/ облиста́ет добродете́лей све́тлостью/ и озаря́ет ве́рных исполне́ние,/ бесо́в тьму отгоня́ющи./ Те́мже я́ко прича́стника/ невече́рняя благода́ти// ты благоче́стно вси почита́ем, досточу́дне.

9. Стих: Хвалите Гóспода вси языцы, // похвалите Его́ вси лю́дие.

Име́я ду́шу ми́лостиву, / и чист по́мысл, и се́рдце бо́дрое, / ве́ру небла́зненную / и любóвь во́истинну нелицеме́рную, / от земли́ предста́вился еси́ к Небе́сным / и с ли́ки пра́ведных водво́рѣшися. / Те́мже чтим тя священными пѣсньми / и благочестивно вси ублажа́ем, // блаже́нне Евдоки́ме.

10. Стих: Яко утверди́ся ми́лость Его́ на нас, // и и́стина Госпо́дня пребыва́ет во век.

Божество́нными учéнии укрепля́ясь, / стра́сти плотскія от ду́ши отгна́л еси́ / и Святы́я Трóицы селéние ч́исто был еси́. / Те́мже к Божество́нному наслажде́нию отше́л еси́, / Бо́гу, соблюда́ющу ны́не неруши́мо твоё, блаже́нне, те́ло, / Божество́нными судьба́ми, и́миже Сам весть, // прославля́ли тя я́ве, Евдоки́ме.

«Слава» - **Стихи́ра Креста́, глас 1:**

Днесь яко во́истинну / святовещанны́й глагол Давидов конéц при́ят, / се́ бо я́ве пречистых ног Твоих покланя́емся подно́жию / и, на сень крилу Твоёю надéющеся, / Всещедрый, вопи́ем Ти: / да знамена́ется на нас свет лица́ Твоего́, / правосла́вных людей Твоих ро́г вознеси́ / Честнаго Креста Твоего́ воздви́жением, // Христе Многоми́лостиве.

«И ны́не» - **Догматик гласа.**

НА ЛИТИИ:

Поется стихи́ра храма, зате́м:

Богоро́дичные стихи́ры Па́вла Амофе́йского, глас 1

подóбен: «Небе́сных чино́в»:

Святе́йшая святы́х всех сил, / честне́йшая вся́кия тва́ри, / Богоро́дице Влады́чице ми́ра, / спаси́ нас, Я́же Спа́са ро́ждшая, от всех прегрешений, и бо́лезней, и бед, / моли́твами Твоими.

Я́же благоутро́бия двéре, / смире́нную мою́ ду́шу да не прэ́зриши, ве́рно молю́ Тя, Отрокови́це, / но ущéдри вско́ре, / и спаси́ ю из пу-

чины согрешений моих, // и обновльши благодать Твою на мне, просвети, Дево Чистая.

Слава и ныне:

Ты Бога человеком соединила еси, Владычице, / Ты мертвенное существо возвела еси едина, к Божественному нетлению, / Ты земным спасение источила еси, / Ты, Богородице, // свободи нас от всех мучений.

НА СТИХОВНЕ:

Стихиры воскресные, гласа.

«Слава и ныне» - Стихира Креста, глас 8:

Ты ми покров державен еси, / тричастный Кресте Христов, / освети мя силою твоєю, // яко да верою и любовью поклоняюсь и славлю тя.

«Богородице Дево»: Трижды.

НА «БОГ ГОСПОДЬ»:

Тропарь воскресный, гласа. Дважды.

«Слава» - Тропарь прав. Евдокима, глас 4:

От земли воззавый ты к Небесным селением / соблюдает и по смерти невредимо тело твоё, святе Евдокиме: / ты бо в целомудрии и чистом жителстве, блаженне, / житель-ствовал еси, не осквернив плоти. / Темже со дерзновением // моли Христа Бога спастися нам.

«Иныне» - Тропарь Креста, глас 1:

Спаси, Господи, люди Твоя / и благослови достояние Твоё, / победы православным христианом на сопротивныя даруя // и Твоё сохраняя Крестом Твоим жителство.

Полиелей. Тропарь воскресные, глас 5:

Степенна и прокимен гласа. Ирмосы воскресные. Катавасия «Отверзу уста Моя».

НА ХВАЛИТЕХ:

Стихиры воскресные, гласа.

«Слава» - Стихира утренняя евангельская десятая, глас 6: «И ныне» - «Преблагословенна еси, Богородице Дево». Славословие великое: Тропарь воскресный: «Днесь Спасение»

ПО ВХОДЕ:

[В храме Господском]:

Тропарь воскресный, гласа.

Тропарь Креста, глас 1:

Спаси, Господи, люди Твоя/ и благослови достояние Твое,/ победы православным христианом на сопротивных даруя// и Твое сохраняя Крестом Твоим жительство.

Тропарь прав. Евдокима, глас 4:

От земли воззавый ты к Небесным селением/ соблюдает и по смерти невредимо тело твое, святе Евдокиме:/ ты бо в целомудрии и чистом жительстве, блаженне,/ жительствова еси, не осквернив плоти.// Темже со дерзновением моли Христа Бога спасти нас

«Слава» - Кондак прав. Евдокима, глас 2:

Вышних желая, с вышними совокупляяся,/ и колесницу Божественными восхожденными добродетелей, совершил еси душу,/ преблаженне Евдокиме,/ на земли пожив, яко Безплотен,// Зиждителю всех благоугодил еси.

«И ныне» - Кондак воскресный, глас 1.

Прокимены: Воскресный, глас 1: Буди, Господи, милость Твоя на нас,/ якоже уповахом на Тя. Праведного Евдокима, глас 7: Честна пред Господом/ смерть преподобных Его.

Причастны: Воскресный: «Хвалите Господа с небес»: и вмч.: «В память вечную будет праведник,/ от слуха зла не убоится. Аллилуия». (Трижды).